

حَجَرِ اِلَاصُوفِيَّة

اور اداره و تحريريه و اعلانات و ساثره
ايچون مدير مشوله مراجعت ايدليلدر .

عرفاي امتك . مقالات . متصوفانه لايه
جريدة صوفيه نك . صيفه لري آيقتدر .
درج ايدليان اوراق اعاده ايدلز .

نسخه سي ۴۰ پاره در .

ابونه سي : بر سنه لك اعتباريله ممالك
عنايه ايچون ۴۰ آلتی آيلفي ۲۵ غروش
ومالك اجنيه ايچون اون ايكي فراقدر

محل اداره باب عالي جوارنده ابوالسعود
جامه سنده نجم استقبال مطبعه سي

شيمدليك هفته در نشر اولتور .

تصوفي ، ديني ، اخلاقي ، سياسي جريدة اسلاميه در .

عبادات و مساعي به تعلق ايدن احكام الهيه

جناب خالق اعظمي هر بار عبادتله تعظيم ايتك عبادينه متوجه اولان
وظائف اصليه دينيه در . جناب حق انس و جنی انجق کندوسنه عبادت
ايچون خلق ايتديكني (وما خلقت الجن والانس الا ليعبدون) آيت
جليله سيلاه ذكر ايلدي . مفسرين كرام حضراتي بو آيت جليله يي كال
تدقيقات ايله بيان ايدهر ك حكمت شرعيه عبادتي بيان ايديبور . از جمله
تدقيقات حكيمانه سي زيور محافل اشهار اولان حضرت فخر الدين رازي
بو آيت جليله يي بروج آي تفسير ايدرك حقايق اصليه دينيه يي شرح
ايلور . بو آيت جليله فوايد كثيره واردر . جناب حق خلق انجق
عبادت ايچون خلق ايلدي . انساني خلق ايتكدن مقصد الهيسي بودر
بو آيت جليله بو مقصد سبحاني يي كوستره يور ماعداسي تفصيلع اوقاندر
ايضاحه حاجت اولمديني اوزره پيغمبران عظام حضراتك اشتغاللري
ايكي شيه منحصر در . بريسي جناب حقه عبادت ايتك ديكرى خلقى
عباده دعوت ايتكدر . هدايت ياس زمانده ومهتدى اولمديني زمانده
ضايع اولور . فقط عبادت همه حال لازم در . اساس خلقت انسانيه يه
رتب وظيفه مهمه دينيه در . ملائكه كرام دخی مكلف اولان صنف
داخلنده در . نبی اکرم افندمر حضرتلری جنه دخی مبعوث ایدی .
جناب حق اشبو بعثت نبوتنا هياريني تخصیص ايدرك انلری دخی عبادته
سوق ایلدی . جن شر معانسه كلبر جنی لر خلقدن مستور اولدقلری
جهتله جن اطلاق اولندی جناب رب متعال بو آيت جليله در جنی انسه
تقديم ایلدی بونك حكمته عطف نظر اولتورسه عبادت آچيق اولور
قبالی اولور ، قبالی اولان عبادت جهراً اولان عبادتدن افضلدر . جنی لر ك
عبادتلری كیزلی در . ریا داخل اولز انسانلرك عبادته بعضاً شائبه ریا
كبر . افعال الهیه در غرض بوقدر . حقايق ناسه معلوم دكلدر . نفوس
واحكامدن مقصود اولان معانی لفظیه در . فیاض كريم منافعدن مستغنی در
افعال الهیه سی بر منفعتك حصوله راجع اوله مزجناب رب حكیم بوتون
عالمه واسطه به محتاج اولمقسزین ایصال منفعته قادردر . هیچ برشی سؤال
اولنز ایسته ديكنی ایشلر ایسته ديكنی حكیم ایدر عبادینه فیض ورشاد
احسان ایدرك الطاف و عنایاتنه مستغرق ایلر . عبادت قدر خالص و صافی

اولور ایسه وجودده مطلوب اتم و عزیز اولور . نكیم كوریلور كه
شریه مخصوص اولان ماء صافینك فائده سی اشرف واعلا اولدینی كی
عبادته دخی ایکی جهت مهمه شرعیه توجه ایدرك اساس دین و شریعتده
اودر . بريسي جناب حقلك امریني تعظیم ، ديكری ده مخلوقات الهیه يه
شفقت و مرمحتدر . عبادات و شرايع وضع و هیئت و قلت و كثر اعتباريله
مختلفدر . يالكز فیاض رحیمك ذات اجل الهیسنه لایق درجده اولمقدر
علم و حقیقت بوجهته سوق ایدر جناب حق رسل عظامنی و علی الخصوص
شریعت اسلامیه يي اوامر الهیه يه توفیقاً تأسیس ایدن نبی محترم افندمر
حضرتلری بیعت ایدرك بزی نور الهی ايله منور اولان شهراد شریعته
ادخال ايله فیض و سعادات مادیه و معنویه يه غرق ایلدی . امام مشارالیه
حضرتلری بو حقايق دينیه يي ابضاح و تنویر ایلدیكي كی (وان ليس
للا انسان الا ماسی) آيت جليله سی تفسير ايتديكي صروده بشریته
توجه ایدن مساعینك درجاتی ده كوسترمكده در . مشارالیه دیور كه بو آيت
جليله مسائل عديده واردر . اولاً « ليس للانسان » قول شریفی ایکی
وجهی احتوا ایده يور . بو آيت جليله نك حكمی عمومی در . هر انسان ثمره
مساعیسی كورور ، بدنه بر كونه تغير عارض اوله مز ، اخترده دخی فضل
وكرم سبحانی يي مشاهد ايله وایه دار ابتهاج اولور . بوقول شریفی مؤمنه
ویا خود اخر دینه منسوب اولانه حمل و تخصیص ايتكده اوله مز .
سی قولك حقیقت معناسنی تغییر ایده جك جهت كوريله میور .
هر انسانك درجات مساعیسی محفوظدر . بر كونه نقصان طاری
اوله مز . جزاستی فیاض كريم تعیین ایدر . مسئله ثانیه « ماسی » قول
شریفنده اولان « ماء » حرفی خبریه و یا خود مصدریه در مصدریه اولسی
اظهردر « وان سیه سوف یری » قول جلیلی بوكا دلالت ایدر « سوف
یری المسی » حكمنده در . مصدر جوق كره مفعول معناسنده استعمال
اولتور « هذا خلق الله » دینور كه جناب حقلك مخلوق دیمكدر بو آيت
جليله در بیان بیوریلان مشاهد ثمره مساعی اعمال صالحه نك ثوابی می در
بوخسه هرایشه در شامل اولور می مشهور اولان هر عمله شمولی در خیر
ایشلرایسه ثواب كورر ، شرده بولتور ایسه معاقب اولور . شوقدر كه
ایت جليله نك ظاهری اعتباريله بیان خیراتدر بوكا دلالت ایدن جهت
دخی (للانسان) قول شریفنده کی لامدر كه منافعی تقید ایدر . نكیم علی

لفظی مضرتہ شامل اولور زبازرد اولان له وعلیه تعبیاتی معلومدر .
مسئله ثالثه «الاماسی» قول شریفک مضارع صیغه سیله کلیوب ماضی
صیغه سیله کلیی اعمال صالحه یه فوق العاده ترغیبی تضمن ایستدیکنی
کوسترمک ایچوندرد .

خالص

تصوفات صوفیه دن

صوفی

(۱) درت حرفی ، صوکی بیه مشدده لی اولان صوفی ، تصوف
کله سندن کله اولوب ، اغه معناسی متصوف دیمکدر مجازاً اهل طریقه
علم اولمشدر .

(۲) صوفی ، بای نسیله اولورسه عبا، دیبا کی شیلره تعلق
ایستدیکندن ، فضل و مزیتدن عاری اولوب حیه و دستاریله افتخار
ایدن دیمکدر . درویشلر بوکا خام صوفی دیرلر ! . . .

(۳) صوفی ، تعبیر عوامیسی وجهه متقیلرک مراپسندن کنایه در .
شمسی نک :

« مسجد ایله مدرسه بی ترک ایلدک صوفیلره

حقه عبادت ایتمک یتر بزه ویرانه لر ؟

بیتمده کی صوفیلردر .

(۴) صوفیه ، ناسک اختراعیله رجال علمیہ نک عادی طبقه سنه
طاقیلش براسمدر . بعض متشدقلر بونی اصطلاح پردازلغه اوینون
کلسون دهیه « سوخته » ! یازارق طلبه علومه بر اسم خاص یایمقله بر
هنر صائمق ایسته مشلرسده کولنج اولمقدن زیاده بر شینه یارامامشدر .
بویله چکوب اوزاندقجه معناری ده کیشن بو عنوانک دلالت
ایستدیکنی ماهیت ده شخصه ، استعداد ، جوهر ذاته کوره دائماده کیشمکدن
خالق قالماز .

صوفی نک جمعی صوفیون کلیر . صوفیلرک صافسی اولدینی کی سفیه ده
اولور . قسم حقیقیسی من لم یزقلم یعرف ایله تعریف ایدیلن علم جلیل تصوف
منتسبینی اولان عرفا باللهدر . تصوف ، صورتاً سیرتاً آداب شرع شریف
ایله متحلی اولوب فیوضات محمدیه دن ترین صفات و ذات ایدن اساتذہ
متکلمه نک حالی در . تجلیات الهیه دن واردات غیبیه یی استفاضه ایله
منابع قلبیه لرندن دوکولن سوزلر اهلنه معلوم ، نا اهلنه نامعلوم اولوب
قالمشدر .

کلمات تصوفیه ، شمسه باقعه چالیشان کوزلرک اضطراری صاحبان
دمعهلری کی ، مرآت محمدی - که آندن الله کورونور دائم - نکران
اولا روحلرک رشحه لریدر .

طوری پاره ایدوب موسایی مست وصعیق ایدن تجلی برشجره دن

شعله فروز اولوب انی انا ایله اعلان وحدت ایلدی . نکات لدنیه ،
مغیبات الهیه نک مدارج کلامیه سی اولق اعتباریه ظهور ایستدیکنی
محاکم قابلیت و مظهریتنه نسبتله لایتنهای اشکال و انواع کوستردر .
هر شکل ونوعنده مندیج اولان حقیقت ینه بردر .

وحدت !

سوز ، مؤثرینک نشئه سنه تابعدر ؛ فقط اوز ؛ ینه بردر .

توحید !

تصوفاتک میزانی ، متکلمک حالیه ، اقوالنک مؤید اولماسیدر .
اولمازسه شطحات اولور . ارباب حالک اقوالی ایسه آنجق ینه ارباب
حال اولقله بیلینیر . حالسز توغل مذلقیه منجردر . بونک ایچون
استاد لندن جرعه ارشاد ایچوب مایه ذوق ایدنک احتیاجی انسان
ایچون وارد و لابددر . وابتغوا الیه الوسیله امر جلیلی بوکا اشارت
ایتمکده در .

حافظ شیرازی مرحوم نه کوزل سولمشدر .

صوفی نشود صافی ؛ تا در نکشدجامی !

تصوفک اسالاساسی عرفاندر . عرفان ایسه انسانک وظیفه
اصلیه سیدر . بشر بو وظیفه خلقیه سنی ایفا ایتمکله مکلفدر . ایتمزه
مسئولدر . چونکه یارادایشده کی سائق ، محبت اولدی . حق بیلمک
ایسته دی ، خلقی یاراندی . خلق ایله حق آراسته کی رابطه عرفان
اولدی ، نسخه کبرا اولان انسان ، هرشیدن مقدم عرفان ایله وظیفه داردر
بونی بیلمزسه حیوانیتده قالیر . خلقتک ماخلق لهی عرفاندر عکسینی
ایسه جهلدر . جهول اولان ظلوم اولور ، ظلوم ایسه ماعوندر .
عرفانی بیلمه مش ، بولامش بر انسان ظالم بالنفسدر . بوده خسران
ابدی بی موجیدر . سلامت سرمدی آنجق وظیفه اساسیه انسانیه اولان
مسلك عرفانه سلوک ایله اولور .

نیازی حضرتلری شو مصراعی یک عارفانه سولمشدر .

« انسان کامل اولغه لازم اولان عرفان ایش »

معرفت الهیه عارف بالنفس اولغله حاصل اولور . بویابده هر کسک
بیایدیکنی شو حدیث نبوی وارد اولمشدر .

من عرف نفسه فقط عرف ربه . نفسنی بیان ربی بیلیر .
بوراده نفس نه در ، رب نه دیمکدر ، بوایکی نقطه نک آراسته کی
مناسبت نه دن عبارتدر ؟ بورالربنی ینه اربابی بیلیر . بو کی مسانده
تصوف کتابلری « فافهم » اشارتیه اکتفا ایتمشدر ، بونکته بی
قارنک درجه استعداد و عرفانه برافشدر . مادام که بویله در آرتق
بوندن ده زیاده بحث ایتمک زاندر ! ینه بزده فافهم ! ایله سوزی
قیصه کسهرز

او مردان الهی که تبردن پاک دامنلر ، آنلرک دامن پاکنی
تعلق ماسوا طو تالماز . او رجال وجاهی که جلائل خلقتله میرهندلر ،
آنلرک جلباب قدسیتلرینه احیای دنیا کند آتاماز . اونلر قباب الهی